


CATA 2007 a habri oficialmente cu un ceremonia na EPI



ORANJESTAD - E Conferencia Anual de Turismo de Aruba, CATA, a cuminsa oficialmente ayer mainta cu un serie di discurso y tayer, cualnan a wordo duna den e auditorio completamente nobo di e EPI Facultad di Hospitalidad & Turismo.

CATA ta e conferencia anual di turismo Latino Americano cu ta trece expertonan di viahe y prensa for di rond Sur America pa Aruba, introduciendo e bishitantenan na tur loke nos isla tin pa ofrece.

Sigui lesa pagina 3



Continuacion di pagina 2



entre e generacionnan hoben riba e importancia di turismo y educando e isla su futuro lidernan den e industria di hospitalidad y turismo.

Jorge Pesquera, CEO di Aruba Hotel and Tourism Association, a nota cu Aruba parcialmente a negligisha su mercadonan di Latino America, pero cu su organizacion ta cla pa

cambia esaki, ya cu a destina un cantidad record di placa pa promove e isla na paisnan Sur Americano.

Ryan Maduro, director di EPI Facultad di Hospitalidad & Turismo, a duna un introduccion di e scol, cual ta ofrece e top programa di hospitalidad na Caribe, cu varios curso incluyendo un programa di Arte Culinario di 3 aña, un Pro-

grama di Aprendiz y un programa di Associate's Degree den Hospitalidad.

Como ultimo den e grupo di oradornan, Mario Arends di ATA a duna un update di e producto turistico di Aruba, y a presenta e cifranan mas nobo, mustrand cu Latino America ta e di dos mercado di turismo mas grandi na Aruba, despues

di Merca.

E ceremonia a caba cu un Coffee Break, mientras cu e delegadonan di CATA a sigui cu nan bishita na EPI cu un serie di tayer educacional cu topiconan manera “Branding” y “Niche Marketing.” Algo cu sigur e participantenan a disfruta di dje tabata un lunch cu a wordo cushina y prepara pa e studentenan culinario di EPI.



E mainta a cuminsa cu un “site inspection” di e scol, cual actualmente ta den e proceso di expansion. Esaki a wordo sigui pa e ceremonia oficial, cual a habri cu nos Himno Nacional, canta pa e hoben Jonathan Thiel, kende tambe a deleita esnan presente cu un otro cantica mas laat den e ceremonia.

Minister di Turismo & Transportacion Edison Briesen a yama bon bini na e delegadonan di CATA, expresando su deseo di mira mas crecemento den e mercadonan Latino Americano mientras cu el a declara cu e ta contento cu e hecho cu Aruba a mira un aumento den e cantidad di bishitantenan di Brazil y Argentina.

Segun e Directora di Aruba Tourism Authority, Myrna Jansen, e ceremonia na EPI tabata uno simbolico, ya cu Aruba a cuminsa enfoca mas y mas riba su hobennan, promoviendo concientizacion